



Bosna i Hercegovina
Federacija Bosne i Hercegovine
Kanton Sarajevo
OPĆINA HADŽIĆI
OPĆINSKI NAČELNIK

Služba za privredu, finansije i inspeksijski nadzor



Broj: 04-24-2-6813/18

Datum: 14.08.2018.godine

Na osnovu člana 38 Statuta Općine Hadžići (Službene novine Kantona Sarajevo 15/09, 17/12 10/13, 14/13-ispravka) i Odluke o kriterijima za raspodjelu sredstava iz budžeta Općine Hadžići za 2018. godinu - podrška poljoprivredi, broj: 01-01-2-2467/2018 od 28.02.2018. godine, Općinski načelnik donosi:

PRAVILNIK

O UTVRĐIVANJU USLOVA, KRITERIJA I POSTUPAKA ZA OSTVARIVANJE PRAVA ZA DODJELU STEONIH JUNICA

I OSNOVNE ODREDBE

Član 1.

Ovim Pravilnikom utvrđuju se uslovi, kriteriji i postupak za ostvarivanje prava za dodjelu steonih junica koji finansira Općina Hadžići, Humanitarna organizacija Muslim Aid Sarajevo (u daljem tekstu: Projekat).

Član 2.

Pravo na učešće u Projektu imaju prioritetne kategorije stanovništva - nezaposlene osobe koje nemaju stoke, a imaju vlastito poljoprivredno zemljište u površini od 5 duluma ili zemljište uzeto u zakup najmanje na 2 godine i adekvatan štalski objekat lociran u blizini stambenog objekta u kojem isti stanuje.

Pravo na dodjelu steonih junica nemaju lica koja su u posljednjih 5 godine dobila ovakvu ili sličnu donaciju iz oblasti poljoprivrede, prema evidenciji Općine.

II PRAVO UČEŠĆA I USLOVI ZA DODJELU STEONIH JUNICA

Član 3.

Podnosioc zahtjeva treba da ispunjava slijedeće opće i posebne uslove:

1. OPĆI USLOVI:

- Da je nezaposlena osoba i da se nalazi na birou za zapošljavanje.
- Da je upisan u Registar poljoprivrednih gazdinstava i Registar klijenata u Općini Hadžići i da je izvršio ažuriranje podataka za 2018. godinu.

- Da posjeduje vlastito poljoprivredno zemljište ili zemljište uzeto u zakup u površini od minimalno 5 (pet) duluma.
- Da posjeduje vlastiti štalski objekat adekvatan za smještaj grla ili uzet u zakup u neposrednoj blizini mjesta stanovanja.
- Da ne posjeduje stoku u svom vlasništvu.
- Da će sufinansirati 10% od nabavne cijene steone junice.

2. POSEBNI USLOVI:

1. broj članova zajedničkog domaćinstva,
2. broj nezaposlenih punoljetnih članova zajedničkog domaćinstva,
3. broj izdržavanih članova zajedničkog domaćinstva,
4. period proveden na Birou za zapošljavanje - podnosioca zahtjeva,
5. članovi porodice šehida i poginulih boraca, RVI, pripadnici OSBIH, raseljena lica, logoraši, samohrani roditelji, mladi bračni parovi do 35 godina,
6. štalski objekat (zoo higijenski i zootehnički uslovi u štali),
7. socijalni aspekt (stanje na terenu, imovno stanje, opći dojam i sl.)

III KRITERIJI ZA BODOVANJE PODNOSIOCA ZAHTJEVA ZA DODJELU STEONIH JUNICA

Član 4.

Kriteriji za bodovanje podnosioca zahtjeva:

1. broj članova zajedničkog domaćinstva

- 1- 3 člana 1 bod,
- preko 3 člana 2 boda,

2. broj nezaposlenih punoljetnih članova domaćinstva

podnosilac zahtjeva nezaposlen (vrijeme provedeno na birou za zapošljavanje)

- od 1-4 boda,

- do 3 god. 1 bod,
- od 3-6 god. 2 boda,
- od 6-10 god. 3 boda,
- više od 10 god. 4 boda,

3. za svakog izdržavanog člana zajedničkog domaćinstva (nezaposlene osobe koje se ne nalaze na evidenciji nezaposlenih osoba Biroa za zapošljavanje, djeca, učenici i sl.) -1 bod,

4. za svakog punoljetnog nezaposlenog člana zajedničkog domaćinstva koji se nalazi na evidenciji nezaposlenih osoba Biroa za zapošljavanje - 2 boda,

5. podnosilac zahtjeva član porodice šehida i poginulih boraca-3 boda

- podnosilac zahtjeva ima priznat status RVI -2 boda
- podnosilac zahtjeva je bio pripadnik OS BiH-1 bod

- podnositelj zahtjeva ima priznat status povratnika, raseljenog lica, logoraša- 1 bod
- podnositelj zahtjeva samohrani roditelj – 2 boda,
- mladi bračni par životne starosti do 35 godina – 2 boda,

6. pogodnost smještajnog kapaciteta štalskog objekta

- slabi uslovi 1 bod,
- dobri uslovi 2 boda,
- jako dobri uslovi 3 boda.

7. a) socijalni aspekt

- nema primanja -6 bodova
- primanja po članu domaćinstva do 100,00 KM -5 bodova
- primanja po članu domaćinstva od 100,01- 200,00 KM -4 bodova,
- primanja po članu domaćinstva od 200,01 - 250,00 KM - 3 boda,
- primanja po članu domaćinstva od 250,01 - 300,00 KM - 2 boda,
- primanja po članu domaćinstva veća od 300,00 KM - 0 bodova

b) stanje na terenu i opći dojam 1-3 boda

Kada kandidati pri bodovanju imaju isti broj bodova, prednost će imati kandidati koji imaju višečlanu porodicu, veći broj nezaposlenih u zajedničkom domaćinstvu.

IV POTREBNA DOKUMENTACIJA

Podnosioci zahtjeva trebaju priložiti sljedeću dokumentaciju:

1. Obrazac za prijavu na Javni poziv,
2. Kopija potvrde o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) izdate u 2018. godini,
3. Ovjerena kućna lista,
4. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje,
5. Uvjerenje ili drugi dokaz o prosječnom prihodu za posljednja 3 mjeseca za svakog zaposlenog člana domaćinstva sa kućne liste (za penzionere posljednji ček od penzije ili potvrda izdata od banke),
6. Vlasništvo nad parcelom (kopija ZK izvadka ili Posjedovnog lista) ili ovjeren Ugovor o zakupu poljoprivrednog zemljišta sa kopijom ZK izvadka ili Posjedovnog lista, na minimalno 2 godine,
7. Ovjerena izjava da posjeduje štalski objekat u svom vlasništvu ili uzet pod zakup u neposrednoj blizini mjesta stanovanja,
8. Ovjerena izjava da podnositelj zahtjeva ne posjeduje stoku u svom vlasništvu,
9. Ovjerena izjava da će korisnik podsticaja dobijeno grlo u vlastitom uzgoju zadržati najmanje 2 godine od dana potpisivanja Ugovora,
10. Ovjerena izjava da podnositelj zahtjeva ili član zajedničkog domaćinstva u posljednjih 5 godina nije dobio ovakvu ili sličnu donaciju iz oblasti poljoprivrede prema evidenciji Općine,

11. Ovjerena izjava da će sufinansirati 10% od nabavne cijene steone junice,
12. Dokaz da je podnosilac zahtjeva demobilisani borac (Uvjerenje-vojna evidencija Hadžići),
13. Dokaz da je član porodice šehida i poginulih boraca, RVI, povratnik i raseljena osoba i logoraš (Uvjerenje službe za boračko-invalidsku, socijalnu i zdravstvenu zaštitu, izbjegla i raseljena lica, Potvrda izdata od strane udruženja logoraša općine Hadžići),
14. Dokaz da je mladi bračni par životne starosti do 35 godina (ovjerena kućna lista),
15. Dokaz da je samohrani roditelj (ovjerena kućna lista).

IV IZBOR KANDIDATA

Član 5.

Općina Hadžići će objaviti Javni poziv za podnošenje zahtjeva za dodjelu steonih junica.

Izbor kandidata za dodjelu steonih junica vrši se na osnovu pristiglih prijava na Javni poziv.

Član 6.

Općinski načelnik imenuje Komisiju za odabir krajnjih korisnika za dodjelu steonih junica.

Zadatak Komisije je :

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje te dostava iste Općinskom načelniku.

Saglasnost na predloženu rang listu kandidata daje Općinski načelnik.

Rang lista odabranih kandidata se objavljuje na oglasnoj ploči Općine Hadžići i službenoj web stranici Općine Hadžići.

Član 7.

Izabrani kandidati potpisuju Ugovor o dodjeli steonih junica, kojim će biti regulisana sva dalja međusobna prava i obaveze.

Član 8.

Projekat je odbren od strane općinskog načelnika kao socijalni program, odnosno program kapitalnih ulaganja u poljoprivredi.

Član 9.

Pravilnik stupa na snagu danom donošenja.

OPĆINSKI NAČELNIK

Hamdo Ejubović, dipl.ing.maš.